

# Emprendemento PLUS

**Subvenciones para apoiar o investimento e a creación de emprego co obxectivo de fortalecer e consolidar iniciativas de emprendemento de persoas autónomas e pemes - 2023**

## Prazos

**Data de publicación:** 17 de xullo de 2023

**Data de inicio solicitudes:** 18 de xullo de 2023

**Data de finalización solicitudes:** 17 de agosto de 2023

## Obxecto

Esta Orde ten por obxecto establecer as bases e convocar subvencións para iniciativas de emprendemento de persoas traballadoras autónomas e pequenas e medianas empresas, que na data de presentación de solicitude de axuda non teñan máis de 42 meses de antigüidade desde a data de constitución ou alta, así como a data de inicio da súa actividade económica, no ámbito da Comunidade Autónoma de Galicia, a través de dous programas:

a) Programa I. Emprendemento Plus Investimento. Este programa ten por obxecto apoiar a continuidade e a consolidación de iniciativas de emprendemento de persoas autónomas e pemes que teñan unha antigüidade máxima de 42 meses, mediante o apoio de investimentos realizados nas iniciativas obxecto da axuda.

b) Programa II. Emprendemento Plus Emprego. Este programa ten por obxecto o fomento e a consolidación do emprego por parte de autónomos e pequenas empresas de nova creación (máx. 42 meses) para promover a contratación de persoas desempregadas. A finalidade deste programa é xerar emprego estable para persoas desempregadas, mediante unhas liñas de incentivos á contratación por conta allea e que inclúe dúas modalidades de axudas:

a) Incentivos á contratación indefinida inicial de persoas desempregadas.

b) Incentivos á contratación de fixos discontinuos, para contratos de duración dun mínimo de 9 meses e a xornada completa.

## Características da axuda

Programa 1: Emprendemento Plus Investimento

Serán subvencionables os investimentos que correspondan de maneira indubidable á iniciativa de emprendemento, que se clasifican en custos directos, determinados en base ao seu custo

real, e custos indirectos, determinados mediante un método de custo simplificado e en concreto:

1. Equipamento informático.
2. Activos intangibles.
3. Adquisición de bens de equipamento e mobiliario.
4. Reforma e habilitación das instalacións do local do negocio.
5. Adquisición de activos pertencentes a un establecemento ou de bens de equipo de segunda man.
6. Custos indirectos do proxecto, que se fixan nun tipo fixo do 3 % sobre os custos directos subvencionables indicados nos números do 1) ao 5).

A contía da axuda terá as seguintes porcentaxes de intensidade en función do rango de investimento total realizado, tendo en conta que o investimento mínimo admisible será de 10.000 euros:

Rango de investimento % de investimento subvencionable

Entre 10.000€ e 30.000€	60%
Entre 30.001€ e 50.000€	55%
Entre 50.001€ e 100.000€	50%
Entre 100.001€ e 200.000€	45%

## **Programa 2. Emprendemento Plus Emprego**

Para que as contratacións sexan subvencionables, deberán axustarse aos seguintes requisitos:

- Que o contrato se realice cunha persoa desempregada.
- Que as contratacións se realicen dentro do período subvencionable para este programa II de apoio ao emprego, que comprende, neste caso, desde o 1 de xaneiro de 2024 ata o 31 de outubro de 2024.

As axudas definidas no artigo anterior terán os seguintes incentivos:

- As contratacións indefinidas iniciais de persoas desempregadas: incentivo de 6.000 €.
- As contratacións de fixos discontinuos, para contratos de duración dun mínimo de 9 meses e a xornada completa: incentivo de 6.000 €.

## **Persoas beneficiarias**

Poderán ser beneficiarias destas axudas as persoas traballadoras autónomas, as sociedades mercantís, as sociedades cooperativas e laborais, empresas de inserción, centros especiais de emprego, así como entidades sen personalidade xurídica tales como comunidades de bens, sociedades civís etc., sempre que cumpran a condición de peme segundo a definición establecida pola Comisión Europea no anexo I do Regulamento (UE) núm. 651/2014.

Para ser beneficiarias deberán cumprirse os dous requisitos seguintes:

a) Que se constituían ou dean de alta, segundo a natureza xurídica da entidade que se trate, con 42 meses de antigüidade como máximo ata a data de presentación da solicitude.

b) Que iniciasen a súa actividade económica con 42 meses de antigüidade como máximo ata a data de presentación da solicitude.

## **Mais información**

<https://sede.xunta.gal/detalle-procedemento?codtram=TR880B&ano=2023&numpub=1&lang=es>

[https://www.xunta.gal/dog/Publicados/2023/20230717/AnuncioG0656-100723-0001\\_es.pdf](https://www.xunta.gal/dog/Publicados/2023/20230717/AnuncioG0656-100723-0001_es.pdf)